

Visoki predstavnik Inzko postao počasni član Gorske službe spašavanja iz Konjica



U julu 2015. godine, OHR je donirao radio opremu Gorskoj službi spašavanja u Konjicu, u skladu sa politikom davanja podrške javnim i društvenim ustanovama i neprofitnim organizacijama u BiH.

Visoki predstavnik, Valentin Inzko, danas se u Sarajevu sastao sa delegacijom Gorske službe spašavanja iz Konjica, koja ga je informirala da je ta oprema odmah stavljena u rad i da sada zauzima važno mjesto u aktivnostima službe. Gorska služba spašavanja Konjic proglašila je visokog predstavnika počasnim članom njihovog udruženja te mu uručila pismo zahvale.

“Počastvovan sam što sam postao član ovog ekskluzivnog kluba hrabrih ljudi koji predstavljaju izuzetan primjer onoga što je najbolje u ovoj zemlji: ljudske solidarnosti i predanosti svojoj lokalnoj zajednici. Želim im još jednom zahvaliti za sve što su uradili i što rade, dobrovoljno, žrtvujući svoje vrijeme, energiju i trud da bi pomogli ljudima u nevolji”, rekao je visoki predstavnik nakon sastanka.